



**Resumaziun dil protocol
dalla radunonza communal
dils 15 da december 2017, 20.00, en casa da scola (halla)**

Tractandas

1. Beinvegni ed elecziun dils dumbravuschs
2. Approbaziun dalla gliesta da tractandas
3. Approbaziun dil protocol dalla radunonza communal dils 25-08-2017
4. Consorzi da scola superiur scolaviva, preventiv 2018/19
 - a) Presentaziun ed approbaziun
5. Preventiv communal 2018
 - a) Presentaziun ed approbaziun
6. Fixar il pei da taglia per 2018:
 - a) Taglia sin gudogn e facultad
 - b) Taglia sin schischom
7. Piazza da giug Mulinas
 - a) Presentaziun project da sanaziun e cumpletaziun
 - b) Damonda da credit
8. Lescha e disposiziuns executivas davart las taxas da hosps e turissem
 - a) Presentaziun ed approbaziun
9. Orientaziuns
10. Ustria Posta Veglia
 - a) Presentaziun project da sanaziun
11. Varia

1. Beinvegni ed elecziun dils dumbravuschs

Il president communal Bruno Wellinger fa in cordial beinvegni a 47 votantas e votants. Sco dumbravuschs vegnan proponi *Ralf Luck* e *Marcus Holderegger*.

Decisiun: La radunonza communal elegia unanim ils dus proponi sco dumbravuschs.

2. Approbaziun dalla gliesta da tractandas

Decisiun: La radunonza communal approbescha unanim la gliesta da tractandas.

3. Approbaziun dil protocol dalla radunonza communal dils 25 d'uost 2017

Decisiun: La radunonza communal approbescha unanim il protocol dalla davosa radunonza communal.

4. Consorzi da scola superiur scolaviva, preventiv 2018/19

a) Presentaziun ed approbaziun

Il preventiv 2018/19 dil Consorzi da scola superiur scolaviva preveda entradas ed expensas da frs. 1'507'000.

Decisiun: La radunonza communal approbescha unanimamein il preventiv 2018/19 dil Consorzi da scola superiur scolaviva.

5. Preventiv communal 2018

a) Presentaziun ed approbaziun

Il preventiv communal che la suprastanza ha elaborau quenta pil 2018 cun in surpli d'expensas da frs. 1'450, quei tier entradas da frs. 2'532'350 ed expensas da frs. 2'533'800. Il quen d'investiziun preveda expensas da frs. 2'380'000 ed entradas da frs. 155'000.

Decisiun: La radunonza communal approbescha unanim il preventiv communal 2018.

6. Fixar il pei da taglia per 2018

a) Taglia sin gudogn e facultad

La suprastanza communal propona da schar il pei da taglia sco tochen dacheu sin 85% dalla taglia cantunala sempli.

Decisiun: Unanim e cun maunpli suonda la radunonza communal la proposta dalla suprastanza communal. Il pei da taglia resta sin 85 pertschien.

b) Taglia sin schischom

La suprastanza communal propona da schar la quota sco tochen dacheu sin 1,5‰.

Decisiun: Unanim e cun maunpli suonda la radunonza communal la proposta dalla suprastanza communal. Il pei dalla taglia sin schischom resta sin 1,5 promil.

7. Piazza da giug Mulinas

La fatschenta vegn presentada da Walter Cadosch.

Decisiun: La radunonza communal conceda unanim in credit brut da frs. 90'000 per la sanaziun dalla piazza da giug Mulinas.

8. Lescha e disposiziuns executivas davart las taxas da hosps e turissem

La fatschenta vegn presentada dil president communal Bruno Wellinger, Roman Holderegger e Marco Tschuor.

Decisiun: La radunonza communal approbescha unanim la lescha e disposiziuns executivas davart las taxas da hosps e turissem e metter ella en vigur pigl 1. da fenadur 2018.

9. Orientaziuns

- Pagina d'internet
- Oвра electrica Falera-Panadeglia
- Casa da scola, sanaziun
- Promotur da l'economia, Conradin Rüegg
- Uffeci da baghegiar, Paul Wellinger
- Cumissiun da naturalisaziun
- Zona d'indigens Claus
- Via Isla, passapei
- Via cantunala H19

10. Ustria Posta Veglia

Il president communal Bruno Wellinger e Linus Weishaupt dil biro d'architectura Vincenz Weishaupt SA, Glion informeschan pertuccont il project da sanaziun.

11. Varia

Negin convischin giavischa il plaid.

Finiziun dalla radunonza: allas 21.45

Schluein, ils 15 da december 2017

PER LA RADUNONZA COMMUNALA SCHLUEIN

Il president

Il scarvon

Bruno Wellinger

Marco Tschuor